




福建名宦傳卷三

五代

王審知字信通光州固始人狀貌雄偉常乘白馬軍中號白馬三郎所居處恆有紫氣纂其上潮一日使日者視已兄弟曰一人勝一人審知方侍潮側沾汗而退爲福建觀察副使有僧涅槃者於衆中駭而指之曰金輪王第三子降人間專生殺柄乾寧三年潮有疾託審知以大事既卒自爲留後唐即以留後威武軍未幾拜節度使累遷同中書門下平章事封瑯琊王唐亡梁太祖加拜審知中書令封閩王陞福州爲大都督府審知儉約好禮王倓楊沂徐寅之徒皆依焉又建學四門以教閩士之秀者歲遣使泛海入貢于梁後唐同光三年審知卒諡忠懿長子延翰立建國稱王而猶稟唐正朔延翰字子逸長大美皙如玉而淫虐不道爲其弟泉州刺史延鈞審知養子建州刺史延稟所殺或曰延鈞僭立以御服被於審知之廟審知寓夢於延鈞責之不肯服

五國故事馬令南唐書十國春秋九國志

福建名宦傳 五代

福建通志
總卷三五

鍾全慕唐昭宗時爲汀州刺史王潮爲威武節度使全慕與建州刺史徐歸範俱附潮梁篡唐封潮弟審知爲閩王審知喜全慕騎勇有謀略分汀使守之

閩書

孟咸天祐間入閩任建州刺史有德於民宋開寶間吳越錢氏請爲王審知立祠以咸與張睦二十六人配享

閩書○十國春秋咸作威

張睦固始人從王氏入閩及審知封瑯琊王授睦三品官領確貨務睦佐審知甚忠能於搶攘之際雍容下士招來蠻夷商賈歛不加暴國用日以富饒累封梁國公卒葬福州赤塘山後以薛文傑代領其事多虐政閩人怨苦思睦之德政乃塑像祠之子廡字居仁仕閩爲殿中侍御史彈劾百僚甚有風裁及王氏政衰遂謝事歸田里

八閩通志

鄒勇夫光州固始人以單騎從王審知兄弟入閩始終無二心及審知封閩王勇夫官僕射爲數陳利害勸其奉梁正朔後南唐蓄吞併之志歸化鎮適當要衝王延曦命勇夫往鎮之至則民戶凋殘道路榛塞勇夫招集

流亡完葺宅舍民稍稍越境來歸是時干戈日尋而歸化獨晏然不被兵燹人物蕃阜勇夫實有力焉子相遂家於其地春秋

王延彬為泉州刺史在治二十餘年民安俗阜歲無災沴人以為淳厚所

致九國志

王仁達延鈞從子魁梧有機畧善用鐵槩每擐甲持槩上馬馳刺觀者稱

妙王延稟叛與其子繼雄領兵攻福州仁達為率舟師禦之僞立白幟請

降繼雄登舟與語因刺殺之遂擊破其軍擒延稟以獻九國志

方仁岳歛人父延範唐末歷長溪古田長樂三令僑居泉州莆田縣六子

皆仕王審知父子仁岳官秘書守監以稱職名春秋

詹敦仁字君澤光州固始人避亂來隱仙遊植德山下上閩王景書景命

決參軍事強以絕笏不受居泉山杜門不出節度留從效復辟之力辭乃

求監小溪場在今安溪既至請改為縣久之舉王直道自代隱居佛耳山自號

清隱既卒士民立祠祀之宋咸淳中邑民禱禮靈響請于朝勅封靖惠侯

福建名宦傳 五代

二

福建通志 卷三五

賜廟額曰靈惠閩書

林揆閩王延政時為永順場官南唐陞場為順昌縣仍以揆為令當干戈

相尋之際政尚簡易民多德之入閩通志

郭顯忠固始人閩王延政時為鏞州鏞州為今將樂縣刺史政尚清簡化民以德

民有喪不舉者捐俸贖之歲歉輒發廩賑貸民不知飢及卒立祠祀焉八閩通志

通志

許光大南唐保大中為沿海都巡檢居寧德縣硯江江寇至光大持短兵

接戰遂歿於陣江水如血者三日尸隨潮歸鄉人立廟祀之南唐書

王崇文字光福吳功臣緒之子也建州初平以崇文為永安軍節度使所

在安輯民忘其亂福州之役雖為大將然罪在陳覺輩元宗置崇文弗問

十國春秋

邊鎬不知何許人查文徽出師建州鎬率洪州屯兵與之俱行遂下建陽

剋建泉汀漳等州初平建州民所剋獲唯以全活為務閩人德之號邊羅

漢馬令南
唐書

王繼業其父延宗嘗爲汀州刺史天福初繼業復出守父子相代俱有治績八閩通志

劉瓊固始人天德初爲永平鎮將南唐侵建州瓊統兵入援師至鏞州聞王延政已降唐舉兵欲推瓊爲王瓊義不肯受自刎死部將收其尸葬山麓鄉人建祠祀之十國春秋

錢弘僊字智仁吳越文穆王第三子知福州彰武軍事福州初歸吳越將校有仇憾者率多相誣弘僊謂左右曰人各有憾如一啟之誣構交生人相疑懼豈國家推心懷遠之道也因悉不問閩人莫不感悅前後凡兩鎮無諸吳越備史

錢元璜吳越王叔知福州彰武軍事凡在麾下者畏服嚴明無有敢犯吳越備史

吳程字正臣山陰人官吳越福州李儒贊伏誅授程威武軍節度使乾佑福建名宦傳五代三

福建通志
總卷三五

三年淮人侵福州程受諸軍節度獲其將查文徽初淮人方薄閩城授甲於將卒而將卒充溢庭廡紛然不可遏程因登檻瞋目叱之衆皆股栗自是軍政嚴肅程始在東越以父蔭不事苦學有謂程曰觀子骨法與羣儒類但恨他日登將相不長談論耳程遂勤學文穆王時有西府院官滕攜嘗夢程化爲赤龍望南方而去攜因語其夢於人曰吳氏子非我所測也及爲福州始驗其兆尋以國用繁廣乃命程兼掌屯田權酷事乾德初程夢一羽人布策于前曰計子之算而所遺者三果三載而卒年七十三諡曰忠烈吳越備史

福建名宦傳卷四

宋

總轄

觀察使

萬文勝字彬叔寧國人少儻長身戟鬚以功累官福州觀察使總殿前諸軍理宗嘗飛白忠實二字賜之卒贈開府儀同三司武安節度使

宣撫副使

韓世忠字良臣延安人紹興三年以神武左軍都統制任福建江西荆湖宣撫副使討賊范汝為再叛據建州世忠以建居閩上流賊沿流而下七郡皆喋血亟領步卒三萬水陸並進次劍潭賊焚橋世忠策馬先渡師遂濟賊盡塞要路拒王師世忠命諸軍偃旗仆鼓徑抵鳳凰山俯瞰州城設雲梯火樓日夜併攻五日城破汝為竄身自焚斬其弟岳吉以殉禽其主謀謝嚮施達及裨將陸必疆等五百餘人世忠初欲盡誅建民從李綱言

福建名宦傳宋

總轄

一

福建通志
總卷三五

令軍士馳城上毋下聽民自相別農給牛穀商賈弛征禁脅從汰遣誅止附賊者民感更生家為生祠捷聞高宗曰雖古名將何以加茲賜黃金器

安撫司

程邁黟縣人元符三年進士建炎四年知福州領安撫使建寇范汝為方熾邁乞師於朝朝命邁會討降之明年復叛邁合宣撫使孟庾副使韓世忠蹙賊於建州又明年正月汝為自焚死餘黨悉平因更名武備堂曰止戈以旌其功民追思之立生祠於九仙山圓明寺祀焉

張浚字德遠縣竹人紹興間知福州兼安撫大使留意民事事無大細必躬理山海之寇以次削平及時引秀士與之講論經史命鄉里長老勸率後進以止其訟鬪之習復奏以寧德芹溪籍沒田入學養士每車騎出入民聚屋升木觀者如堵牆去之日軍民送者號泣載道

葉夢得字少蘊吳縣人紹聖四年進士紹興間以觀文殿學士知福州兼

安撫使時海寇朱明猖獗詔夢得領御前將士使道之鎮夢得設方略多方招捕賊黨悉平後以請老歸

沈調歸安人政和二年進士紹興二十八年知福州領安撫使上言諸縣舊有忠義軍隨鄉多寡糾結推眾畏服者爲長量置槍杖器甲盜由此息其後官司科率騷動遂失本意請令守臣觀察憲司舉職從之時命諸路招三衙關額軍兵調所招溢額轉左大中大夫又以措置海寇淨盡加敷文閣待制

辛棄疾字幼安歷城人紹熙初提點刑獄尋知福州兼安撫使每歎曰福州前枕大海賊淵藪也且四郡據上游俗悍易亂無積貯奈何爲政期年積餘鏹五十萬緡榜曰備安庫謂閩中土狹人稠歲儉借糴鄰省比歲連稔俟秋價賤出備安錢糴二萬石以備荒又欲造萬鎧招丁壯補軍額訓練以防盜賊事未悉行爲臺臣王藹所劾乞歸棄疾與朱子游朱子歿僞學禁嚴門生故舊至無送葬者棄疾爲文往哭之德祐初加贈少師謚忠

福建名宦傳宋

總轄

二

福建通志
總卷三五

敏

蔡幼學字行之瑞安人乾道八年年十八試禮部第一慶元間除提舉常平茶鹽時朱子居建陽幼學每事咨訪爲御史劉德秀劾罷嘉定間厯知建寧府泉州府福州府本路安撫使政尚寬大州例抑民買鹽有產鹽浮鹽名色皆出常賦之外幼學力請蠲不報提舉司令民以田高下藏新會子不如令者籍其貲幼學曰因民而可吾忍之乎力求罷去加寶謨閣直學士提舉洞霄宮

楊長孺字伯子吉水人萬里之子嘉定十三年知福州兼安撫使遇強宗逋租累年者置於法理宗嘗問廉吏其德秀對曰若楊長孺守閩今靜吏也

王居安字資道黃巖人淳熙十四年進士寶慶間知福州領使尋提舉崇福宮將行鹽寇起寧化居安移書汀守曰民貧業鹽可盡禁耶且令彼執三首惡以自贖他可勿治部使者遣將征之敗死事聞命居安專任招捕

乃募軍校劉華邱銳授以計畫賊知帥有撫納之意指期約降有攝汀守者欲出不意爲已功遂敗降約居安歎曰吾可復求焦頭爛額之功耶力辭歸初居安知興化軍條奏便民事乞行經界且言番舶多得香犀象翠徒崇侈俗洩國鑑有損無益宜遏絕之

項寅孫松陽人嘉定七年進士淳祐三年知福州帶安撫使奏請安撫司照沿海例團練福泉漳興化民船以備分番遣戍又請於福州之候官延祥連江荻蘆二寨置武濟水軍選本州廂禁習水者凡一千五百人補充詔可

趙必愿字立夫餘干人漢王元佐裔汝愚孫嘉定七年舉進士知崇安縣修學濬陂立催科法革鬻鹽弊役法力主義役朝廷下其式於八郡秩滿去民刻石祠祀之紹定間遷知泉州事罷白土課免差吏權鐵歲饑乞撥永儲廣儲二倉賑民淳祐五年以華文閣直學士知福州兼安撫使聞人必愿平易忠信旌賢士獎高年尤留意武事入境卽以軍禮見戎帥申

福建名宦傳

宋 總轄

三

福建通志
總卷三五

明左翼軍節制區畫海防修水戰法居官四年乞歸卒

趙希靜字無垢燕懿王德昭裔孫居西安嘉定十三年進士淳祐十年以祕閣修撰知福州帶安撫使部內巨猾主民訟持吏短長者捕其尤治之餘皆埽跡前帥陳壇旣濬內河希靜復濬外河修廣倍焉舊戰艦有赤馬白鷁之屬希靜造千石舟以備緩急秋大旱下游尤甚希靜寬租勸分招販蠲稅略疏上聞詔航京粟二十萬斛入閩全活一路有積蠲百萬緡悉儲粟備儉歲平糶遇火災書焚室加惠未數月公私廬舍咸復其舊明年卒於官

趙希懌字伯和燕懿王德昭裔孫淳熙中進士趙汝愚帥福建希懌爲幹辦公事嘗言治人如治身治政如理家愛民如處兄弟汝愚嘉之薦於帥守辛棄疾時候官邑苦稅重歲額不登希懌稽覈公帑羨餘足之棄疾累薦其能歷昭慶節度開府儀同三司贈少保

徐鹿卿字德夫豐城人嘉定十六年進士初知尤溪時真德秀守泉以南

安久不治改調鹿卿至官首罷無名之賦明版籍革預借決壅滯達冤抑
邑以大治閏七月以母喪去民哭如喪私親德秀疏其政爲列邑勸紹定
間任幹辦公事汀郡寇警鹿卿贊畫備禦動中機會避寇入城者措置有
方加賑恤焉州倉火鹿卿旁埽隙地令能徙粟至此者予錢至積米如山
帥聞大喜旣而曰露積奈何鹿卿請會軍糧各計月豫借一日而盡累遷
禮部侍郎

轉運司

楊克讓字慶孫馮翊人太平興國初陳洪進納土福建未設漕司統於兩
浙西南路轉運使以克讓爲之權知州事泉州民嘯聚爲盜累十餘萬克
讓率兵至泉與王明王文寶討平之

龐籍字醇之武城人進士景祐二年以祠部員外郎任轉運使長於吏事
有惠愛初福建丁口稅仍五代額籍請裁之所司覈不可後籍爲相卒罷
焉

福建名宦傳

宋 總轄

四

福建通志
總卷三五

王時升鄞縣人進士紹興三十年任轉運副使擢節浮費三十萬緡以其
半代民輸舊欠鈔鹽錢執政以聞高宗曰漕臣能節約代輸理宜褒錄第
恐他路聞之假侵漁百姓覲恩賞俟其政績有聞與陞職名

王淮字季海金華人紹興十五年進士隆興元年任計度轉運副使除科
鹽宿弊刷滯獄之枉者以治最聞乾道四年知建寧府慈祥清簡始建溪
用浮梁潦則撤去淮累石爲之榜曰平政民無病涉明年復遷副使又明
年入奏閩中利病及建劍汀邵上供銀悉施行之

顏度字魯子崑山人紹興進士淳熙間轉運副使閩中習俗每執紼其仇
或以酒調鋸屑逼之使飲黏著肺腑不能傳化馴致痰渴之疾或炒沙鑄
蠟灌耳令聾或以淫薦束體布裹卵石痛加毆捶而外不形或按擦肩背
使皮膚寬皺乃施鍼刺入不可復出或以小釣鈞藏於鰓魚腹強之使吞
鈞攢五臟久而必死凡此類痕腫不露檢驗無傷法所不言其害無極度
至官揭榜禁約害爲衰息

曾炎字南仲德清人隆興元年進士慶元五年以直敷文閣任計度轉運副使首廉所部疾苦有被訟久繫而原愬人反匿不出者炎戒郡縣必兩造俱集始得予決時詔所司具便民事以聞炎疏請部使者考課以翻訴之多寡當否爲縣合殿最禁兩稅高價所估民間契券必詳列賦則以革產去稅存之患獄案必以時奏報多見施行又奏倚閣上四州積有鹽本並免州縣所負正稅及虧收錢合十有六萬囚繫者呼舞散去而漕計視始至增緇百萬悉付後任以備緩征焉

陳汝西安人紹熙元年進士紹定二年任轉運副使是年冬盜起安撫使王居安屬陳韓提舉四隅保甲以親喪辭汝與提舉常平史彌忠告急於朝謂非韓莫可平明年以韓爲招捕使遂滅賊

高斯得字不妄邛州人紹定二年進士寶祐三年任計度轉運副使會朝廷行自實田斯得言史記載秦始皇三十一年令民自實田今陛下臨御適三十一年異日書之史冊乃與秦同不可行丞相謝方叔大愧竟寢

福建名宦傳

宋 總轄

五

福建通志
總卷三五

家鉉翁眉州人咸淳間以廢知建寧府兼轉運副使後簽書樞密院事元兵次近郊鉉翁不署降表宋亡旦夕哭泣不食者數日放還號處士賜資皆不受

蔣之奇字穎叔宜興人嘉祐進士熙寧二年任轉運判官時免役新法諸道推行失平之奇約僦庸費隨算錢高下均取之民以爲便嘗薦處士陳烈每行部必造焉

韋驥字子駿錢塘人進士元祐間任轉運判官值年饑不及上書待報乃檄州縣發廩而自疏專擅違法之罪詔釋之羣盜阻險爲患吏怯爭言招納驥曰此稔患也廣設方略悉就擒戮

謝如意邵武人政和二年進士建炎二年任轉運判官先是建州叛卒張員等雖受招而桀驁如故如意至建陽陰遣勇士離其黨羽給員至禽戮之

魯詹字巨山海鹽人崇寧五年進士建炎二年任轉運判官金人寇浙江

高宗避兵奔溫州詹同提刑司衷一路經費得銀八萬兩上之賜詔褒嘉且召對論備甲冑數千詹退白宰相曰修器甲易事耳利害有大者聞去朝廷遠守倖多癰老又本路關歸吏部州縣多帶權字苟偷蠹民爲害之大宰相以聞得旨易守倖數人比詹還漕司已擬官七十餘員一路使之上所造鎧六千聯帝稱善范汝爲反部使者王招安朝廷因遣檢法官謝嚮陸棠行卒莫得其要領詹屢言嚮棠養寇滋患遣大帥將軍擊之使既而汝爲復叛建劍汀邵不逞遽起卒遣宣撫副使韓世忠始討平之嚮棠亦得罪如詹言尋以糴穀募海舟不擾而辦除直祕閣高宗軫問苦盜詔監司條弭盜便民之計詹奏安輯撫綏宜責成縣令巡尉請罷免行錢州縣官市買方物如民直令漕司兌糴米二萬斛充賑減殘破縣上供銀高宗謂詹語語皆切中時病詔如所請於是令尉衰懦失職者悉罷而罷免行錢之利且及天下矣始建賊之張也都統制辛企宗將萬人駐邵武不敢進而邀取軍需威震一路官吏踴躍趨命詹獨與之抗公事止移牒忤

福建名宦傳

宋 總轄

六

福建通志 總卷三五

王師愈字興正一字齊賢金華人紹興十八年進士淳熙間轉運判官承空乏之後入不支出師愈節冗費檢吏姦歲用不匱且有倍積上四郡官鬻鹽以給歲費皆爲民病後屢更法三郡得少蘇獨汀郡以數被兵田稅隱陷公私百計皆鹽辦而鹽所自來官運遠私販近議欲變官鬻爲鈔引師愈言官鬻固弊然異時鈔或不售則科買之害有甚於官鬻今但蠲汀州宿負漕司緡錢若干而下其鹽通行十有五錢其當送漕司轉餉者分隸諸司者皆丐之以足留州之用則一歲間公私所省緡錢五萬有奇若更精擇守令一意奉行可以持久而法亦不必變也然鈔議既寢師愈說又不行鹽法遂終爲汀病論者惜之

陳孺字漢卿臨川人紹興十八年進士淳熙間由建寧府轉運判官聞

盜起孺董師討之誠其魁餘黨潰散

趙充夫字可大潁川郡王德彝裔孫嘉泰間以直祕閣任轉運判官辦鹽最善計郡邑大小戶口多寡定額時稱公平殿司左翼軍分屯汀建泉邵因禦寇更戍增給小券名爲一兵實二兵之費充夫以漸消之招補闕額止給本俸行之不驚人無怨言初紹熙中充夫知汀州事營卒怯懦申嚴號令士皆勇奮會寧化妖民廖大興作亂聲搖諸郡充夫命左翼將高特率兵討之直埽賊穴妖氛遂清安撫使趙汝愚議置莊舍充夫以爲後有逋負不免追擾不如冬儲春糴收一分之息糴本稍增而民食無闕經久之利也汝愚大然之朝旨欲行經界充夫謂汀稅產雖多而所收十纔六七自足郡計若行經界則省額一定不容擅減必均於民其輸轉重條利害甚悉州城圯銳意修築以土城緩急不足恃欲甃以石始於子城以及羅城未訖工而去

譙令憲字景源益都人嘉定十四年任轉運判官屬州增鹽諸錢十四

福建名宦傳

宋

總轄

七

福建通志
總卷三五

萬一千有奇時福州延平饑疫並作令憲賑恤備至民詠歌之

袁甫字廣微鄞縣人嘉定七年進士端平初知建寧府尋兼轉運判官閩鹽隸漕司例運兩綱供費後增至十有二吏卒並緣爲姦且抑州縣變賣公私苦之甫奏復舊例丁米錢久爲漳泉興化民患會知漳州趙以夫請以廢寺租代輸甫捐三郡歲解本司錢二萬七千貫助之

謝公旦字清父一字景周崇仁人嘉定七年進士任轉運判官覈鹽課民便之尋加直天章閣有故人獻燭百炬燭心隱隱皆黃金亟封還之卒於官

馬亮字叔明廬州合肥人太平興國進士淳化間諸路轉運司置糾察刑獄官以福建路命亮覆訊冤抑全活數十人遷知福州會蘇易簡薦亮才任繁劇召還後以太子少保致仕

趙棕字彥忠晉江人紹興間任轉運司主管帳司以鹽法病民請恤竈戶均敷額歲羨鹽二百萬斤

趙彥櫛字文長宗室魏王子高密郡王德恭裔孫乾道二年進士淳熙間任轉運司幹辦公事屬邑負販鹽本錢數千萬累歲不能償彥櫛白其長蠲之嘉泰中知汀州事州民葉姓者嘯聚江贛間彥櫛遣將捕得之餘黨解散

提點刑獄

劉立之字斯立新喻人大中祥符元年進士景祐元年由刑部員外郎任提刑察大冤濫奏貶知泉州蘇壽通判張大冲以鞠獄入人死罪也屬部莫不聳動

蘇舜元字才翁梓州銅山人慶歷六年由荆湖南路移任提刑汀州民王甯毆人致死以賄蓋覆得不敗舜元捕按之付汀守王程竟其獄程以屍傷歲久爲請舜元奏治如法

羅拯字道濟祥符人進士嘉祐六年由度支郎中任提刑泉州興化軍水壤廬舍拯請勿征海運竹木經年民居皆復遷本路轉運使邵武之光澤

福建名宦傳

宋 總轄

八

福建通志
總卷三五

向不權酒以課賦民號黃翅錢拯派均他邑人以爲便

陳桷字季任温州平陽人政和二年進士靖康元年以朝請郎任提刑會調防秋兵資糧不滿望殺帥臣柳廷俊變生倉卒吏民奔潰闔城震駭桷入亂軍中諭以禍福賊氣沮邀桷奏帥臣自斃桷詭從其請間道馳奏前疏不實乞待罪朝廷以桷知權變釋之兵旣調行乃道追殺首惡二十餘人一方以安

樊光遠字茂實臨安府錢塘人紹興五年進士二十七年知興化軍俗號難治好持吏長短光遠曰吾以誠待人他不恤也簡節目通下情先教化而後刑罰獄訟日衰尋任文臣提刑閩多劫盜與州縣吏相表裏不卽獲聞有在官者吏併事至繫之以是無敢愬光遠許其逕詣司自言而嚴追捕勘鞠之限盜始知畏戢跡建寧獄滿光遠釋囚繫一百四十三人朝廷爲罷免長吏其他平反全活類此

王大寶字元龜潮州海陽人建炎二年進士紹興二十九年任提刑道臨

漳有峻嶺曰葵岡阻險盜乘間剽劫大寶以囊錢三十萬募民挾蔽幾道十餘里行者便之

陳希點字子與青田人淳熙八年進士嘉泰間以直寶謨閣任提刑決獄明恕人以不寃建有飢民鈔略逮繫百數希點謂皆迫於乏食不足深治取爲首數人寘典餘悉縱遣之

包敏字宏父建昌人嘉定十三年進士端平間任建寧府教授監虎翼軍募土豪靖石塘之寇淳祐中由荆湖北路提刑移任福建提刑聞俗以五月五日和五王生日靡金帛傾市奉之敏曰彼非犬豕安得一日而五子同生非不祥者乎而尊畏媚奉之若是衆爲感悟歷仕所至鋤豪去奸政聲赫然

徐經孫字中立豐城人寶慶二年進士淳祐間以直寶章閣任提刑初經孫通判澤州爲州帥陳韓所知及來閩韓正家居門人故吏有撓法者不得逞韓頗懷私忿歲餘經孫知福州領安撫內召而韓起判本部因劾奏

福建名宦傳

宋 總轄

九

福建通志 總卷三五

通判語侵經孫經孫具白政府事聞理宗大怒曰陳韓老繆宜亟罷之經孫再詣政府言某韓門生也前日所白者明通判無罪耳苟韓以是得罪人謂我何識者體之

游汝字魯望德清人咸淳間由江南東路移任提刑賈似道當國汝論國事懇惻至於流涕遂罷官家居元世祖時參政蒲大年以遺老奏召爲福州總管堅辭不就所衣一布袍書其背曰前宋遺民不問燕居敘會晴雨寒暑未嘗解脫

陳壽孫瑞安人寶祐九年進士咸淳間以直龍圖閣任提刑貪吏聞風引去入覲與賈似道爭鹽法被劾歸里初壽孫任台州教授會新郡守丁大全黨初視篆謁廟日壽孫揚言曰冉求聚斂孔聖鼓攻守黨丞相可升夫子之堂哉守聞爲解印

李稷臣任文臣提刑

無代有

賊魁張義張萬全葉百三凶焰方熾稷臣悉

諭降之

鄭興裔字光錫初名興宗開封人顯肅皇后外家三世孫也乾道七年以福建鈐轄任武臣提刑甌寧有殺人亡命者牽繫多人興裔乞摘釋其無辜者郡縣積玩檢驗法廢興裔創格目三一申本司一上所屬一付被害之家參互考實著爲令建劍汀邵四郡屢更鹽筴漕臣請易綱運爲鈔法興裔極言其不可復奏縣尉捕盜收秋多僞當加審覈海寇來去不常宜復置灣長寇至徑率民兵禦之禁兵事藝不精多充私役乞行禁止上善其數論事詔加成州團練使

徐子寅字協恭文登人紹興十年以明堂大禮恩補將仕郎紹興末由建寧府司法參軍任檢法官審覆囚牘累百駁正死罪七十九人吏部以聞減磨勘一年子寅曰法所當輕非敢縱之以求賞也竟存而不用

余澂字子清中刑法科淳熙二年任檢法官安撫陳俊卿治盜過嚴一日驅數十囚欲投諸海澂白其長曰朝廷有憲部而郡國無憲臺可乎力爭之因命閱實遂爲區別戮者黥者各若干陳始怒而後喜其有守悉從之

福建名宦傳

宋 總轄

十

福建通志
總卷三五

且薦以京削

提舉茶鹽公事

張汝楫歸安人紹興二十七年提舉鹽事先是本路提刑吳達定鹽綱下本路相度汝楫奏行久法得旨與減八分不復科賣

王速字致君餘姚人隆興元年進士乾道七年提舉常平茶事奏常平以久易新之法甚備詔令行之速乘傳按觀從行不過數輩所至革其弊蠹僚屬有賢者一見卽薦之求者弗與也裁節浮費公帑積至萬緡以其半入建寧府充常平本錢

薛居實字去華鄞縣人乾道七年以蔭知興化軍事帶權發遣始至訟獄充斥處決精審訟者說服興化士稱極盛而廟學未崇居實作新之有浮屠以咒術煽愚民施財無虛日居實驅之出境籍其貲歸之學初莆田陳俊卿當國喜爲鄉邑得賢二千石及是俊卿領安撫使福州米價翔湧居實急發建寧常平粟萬斛順流而下俊卿歎曰非盡心民事者不能如是

神速也尋遷提舉常平茶事甌寧縣尉執盜謀賞居實召獄吏摘其隱折之吏辭屈具得尉姦利狀移官審究則良民也遂遣之而劾尉罪奉詔興水利馳驅川谷約省騎從所至集故老與鄉之秀者考詢遺跡疏濬復故力丐祠主管建寧武夷山冲祐觀

宋若水字子淵雙流人淳熙間提舉常平事閩俗多不舉子若水力禁之汀被盜後大疫繼作若水煮藥自隨以飲病者建陽招賢里故貯常平米數十斛本隱士魏撰之所紉歲久陳腐若水倣朱子法命鄉之士人主其事歲斂散之一方尤賴其利

應孟明字仲實永康人隆興元年進士淳熙中提舉常平茶鹽陞辭孝宗曰朕知卿愛百姓惡曠吏事有不便民者悉意以聞孟明至部具遵臨遣之意咨訪疾苦孝宗一日御經筵因論監司顧謂講讀官曰朕近得數人應孟明其最也

宋之瑞天台人隆興元年進士四年提舉常平茶鹽慶元元年余端禮鄭福建名宦傳宋 總卷三五

僑言福建地狹人稠無以瞻養生子多不舉提舉鹽茶宋之瑞乞免醫建劍汀邵沒官田收其租助民舉子之費從之慶元間擢文臣提刑

趙公升字叔明魏王子潁川郡王德彝裔孫居常熟嘉泰間提舉常平茶鹽閩舊有舉子倉凡僧舍之不能嗣續者聽民佃業歲收其入自後請佃者慚不得田故高其租價爭之既而力不逮收歛浸薄倉實既虧民惠鮮及公升請仍以僧主之歲入之數不加於舊民樂從之自是全活尤多李孟傳字文授上虞人以父光遺表恩補官開禧間以考功郎提舉常平詔入對首論用人宜先氣節後才能益招徠忠讜以扶正論故人有在政府者折簡問勞甚勤孟傳逆知其意即謝去出關至閩大饑發廩勸分民無流殍嘉定中遷提點刑獄

羅仲舒字宗之慈谿人淳熙十四年進士嘉定間提舉常平茶鹽會大水編筏救溺復發粟賑死者之家

史彌忠字良叔鄞縣人彌遠之兄紹定間提舉常平茶鹽值閩寇充斥彌

忠首薦陳韓爲招捕事定論賞不受年未七十乞致仕

李昂英字俊明番禺人寶慶丙戌進士第三人紹定間任汀州推官州守陳孝嚴鷙悍不恤下時閭盜充斥州無堅壁昂英請增埤浚湟不聽而虐殺兵校十數人昂英棄官出郊士民數百邀留之比反悍卒王寶閉城將殺守會招捕使陳韓遣宋慈梟首亂者始解已而通寇朱積寶合礫寇來攻城昂英佐攝守王杆調左翼軍合民兵禦之身自督戰相持五日賊敗去嘉熙間以直祕閣提舉常平茶鹽甫下車貪吏望風解印歲大祲捐俸賑貸所活萬計

趙逢龍字應甫鄞縣人嘉定十六年進士景定間提舉常平初至官有司例設供帳悉命撤去日具蔬飯坐公署事至即決政務寬恕撫諭惻怛民不忍欺居官自常俸外一介不取賦有逋負悉爲代輸尤究心荒政以羨餘爲平糴之本

林彥揆字子清崇仁人嘉定十三年進士理宗朝幹辦公事盜起汀之潭

福建名宦傳宋

總轄

三

福建通志
總卷三五

飛礫彥揆苗彥而髮擲之境內以寧

軍官

陳敏字元功石城人乾道間由鈐轄遷總管漳州駐劄按諸郡要害凡十有三處悉分兵阨之盜發輒獲贛州齊述據城叛嘯聚數萬將南寇敏聞之曰贛人精勁善走險若朝廷發兵未至萬一奔衝江湖間廣騷動矣不俟命領所部馳七日抵贛圍其城踰月朝廷命李耕以諸路兵至破之王繼升阜城人太平興國初任泉城兵馬都監會游洋洞民萬餘叛掠泉州繼升潛率精騎二百夜擊破之擒其魁械送闕下餘黨悉平

姜特立字邦傑麗水人淳熙十年任兵馬副都監海賊姜大榛寇泉南特立以一舟先進擒之帥臣趙汝愚薦於朝除閩門舍人

趙渥乾道七年任左翼軍統制招到軍兵一千人不支軍費孝宗曰渥當賞遂與一遙郡團使

知宗正司事

趙士瑋字公美商恭靖王元份五世孫濮安懿王曾孫追封平原郡王紹興間由平海軍承宣使知南外宗正事時泉邸新建同學者少士瑋奏宗子善軫學藝卓絕乞免文解由是人知激勸

趙希衮燕懿王德昭九世孫淳祐間知南外宗正事建清源書院於新睦宗院長諭以宗姓充之教導以庶姓充之宗人皆從其教

福建名宦傳卷五

宋

各州

福州知州事

謝泌字深源歙縣人太平興國進士景德元年以刑部郎中由兩浙轉運使移知福州有恩於民及代還卒民相率縞素祠而哭之泌嘗修灣橋易木以石郎中元績表以去思二大字陳烈爲之記後守嚴辟疆問民曰謝公治郡何道見思曰謝公吾天地也不權不威訓其不率而責其無良訟幾息矣辟疆尙嚴因是易以寬

王臻字及之汝陰人第進士天禧三年以殿中侍御史自睦州移任福州閩俗喜訟姦者瞰野葛誣人至有抵死者臻廉其狀奸不得行又民間利火作輒肆行搶掠臻捕首惡杖流海上兇徒惕息時服其嚴明

胡則字子正永康人端拱二年進士天聖三年自知信州移任福州時計

福建名宦傳

宋 各州一

一

福建通志
總卷三五

臣張希顏奏請福州官莊田納二稅外仍輸租米則奏官田多瘠且濱海常有風潮之患不宜增稅詔從之又官田數百頃已佃爲民業計臣上言鬻之可責其估三十萬緡民不勝累則章三上竟得報減其直之半曹穎叔字秀三亳州譙人第進士皇祐中懷智高寇嶺南朝議憂閩中弛備擢穎叔以刑部郎中天章閣待制知州事所至推恩行利刻煩去蠹治行不下古人

燕度字唐卿青州益都人登進士第嘗權河北轉運副使六塔河決坐貶秩知蔡州嘉祐四年以司封員外郎知福州閩故多盜度請假事權制攝一道遂加兵馬鈐轄後入爲戶部副使終右諫議大夫

元絳字厚之錢塘人天聖八年進士嘉定七年以兵部郎中天章閣待制知州事以文學爲士民師奏罷閩中錢氏時無名之徵在任轉給事中程師孟字公闢吳人景祐元年進士熙寧元年以光祿卿直昭文館知州事先是郡守章岷奏修築子城以費多役廣不果師孟至謂轉運使曰第